

ՌԻՍՏԻԱՆ.– Չեմ իմանում ինչ ես ասում: Բա ասում էիր թալանը եկել է:

ՆԱԶԱՐ.– Ի՞նչ թալան,

ՌԻՍՏԻԱՆ.– Կրեմ գլուխդ, բա ո՞ր էիր ասում:

ՆԱԶԱՐ.– Էդ չէ. ասում են Զեռօռլու իգիթներ են եկել գեղը: Գնամ մի տեսնեմ էդ ո՞նց են սիրտ արել:

ՌԻՍՏԻԱՆ.– Ի՞նչ... Էլի գնում ես գեղամիջում շնթես: Ի՞նչ գործ ունիս գեղամիջում:

ՆԱԶԱՐ.– Իգիթ եմ, պիտի գեղամիջում երեւամ:

ՌԻՍՏԻԱՆ.– Դու մկան ծակը հազար թումանի ես առնում, ասում ես իգի՞թ եմ:

ՆԱԶԱՐ.– Կարգին խօսի,

ՌԻՍՏԻԱՆ.– (Մեծաբերան ու սպառնազին) Բո, ո՞նց չէ, «կարգին խօսի»:

Գեղի իշխան ես: Գլո՛ւխդ թաղեմ: Էդ ո՞նց է, որ կարգին չեմ խօսում:

ՆԱԶԱՐ.– Չեմ հասկանում դու ինձ ինչի տեղ ես դրել, որ ասում ես «իշխան եմ»: Ապա ի՞նչ եմ: Էդպես մի խօսի, թե չէ վեր կացա, հա՛ ...

ՌԻՍՏԻԱՆ.– Բոյդ թաղեմ, դու ո՞վ ես, որ վրադ չիօսեմ: Մի թալան ես բերում տո՞ւն, թե՛ մի հունար ունիս: Էդ էլ ինձ պահելու տե՞ղն է:

ՆԱԶԱՐ.– Ի՞նչ ես դուրս տալիս, ե՞ս պիտի քեզ պահեմ, թե՞ դու ինձ:

ՌԻՍՏԻԱՆ.– Ո՞նց թե: Ինչո՞ւ չես աշխատում:

ՆԱԶԱՐ.– (Սպառնանքով) Էդ ի՞նչ իմացա, էդ ի՞նչ համարձակութիւն եր...

ՌԻՍՏԻԱՆ.– (Ակամա (զարմացած) Ի՞նչ եղաւ:

ՆԱԶԱՐ.– Էդ ո՞նց բերնից թոցրիդ: Նազարն աշխատի: Գիտե՛ս, աշխարհք իմանա, ինչ կանի քեզ:

ՌԻՍՏԻԱՆ.– Բո՛ո՛ ...թագաւոր ես գլխիս, որ չաշխատե՛ս:

ՆԱԶԱՐ.– Իմացի, որ ես չպիտի աշխատեմ, դո՛ւ պիտի աշխատես:

ՌԻՍՏԻԱՆ.– Ինչո՞ւ, հողեմ գլուխդ, դու ի՞նչ ես:

ՆԱԶԱՐ.– Էնդուր որ ես ազնիւ եմ,

ՌԻՍՏԻԱՆ.– Ո՞նց թե ազնիւ ես, էդ էլ նո՞ր հնարեցիր,

ՆԱԶԱՐ.– Ի՞նչ պիտի հնարեմ: Գրքերի մէջ գրած է: Պապիս ապուպապը թագաւոր եր: Մենք ցեղով ազնիւ ենք:

ՌԻՍՏԻԱՆ.– Տխեմ պապիդ գլուխը: Տեղով ազնիւը դու դառար, հա՞. Չես աշխատում հերիք չի՝ հիմի էլ իմ ազնւութունն ուզում ես ձեռիցս խլես: Ազնիւը դո՛ւ ես, թե՞ ես:

ՆԱԶԱՐ.– Պո, դու է՛լ ազնիւ դուրս եկար: Դու ի՞նչ ազնիւ ես,

ՌԻՍՏԻԱՆ.– Ազնիւը ես եմ: Դու որ չես իմանում, աշխարհք չի՞ իմանում: